



„REGIONALNA DEPONIJIA MOŠĆANICA“ d.o.o. ZENICA

Moščanica bb, 72000 Zenica, BiH

Tel: 032 / 44 63 60, Fax: 032 / 44 66 34,

www.rdm.ba e-mail: regdepze@bih.net.ba

Identifikacioni broj: 4218003170004, PDV broj: 218003170004,

Registarski broj: U/I-3232/02 (Kantonalni sud Zenica)

Broj: 02-148/17

Zenica, 28.03.2017. godine

Na osnovu člana 69., stav (2), tačka e) Zakona o javnim nabavkama ("Službeni glasnik Bosne i Hercegovine, broj: 39/14) i Izvještaja Komisije za nabavku, broj 02-147/17 od 28.03.2017.godine, direktor Društva donosi:

O D L U K U
O PONIŠTENJU POSTUPKA JAVNE NABAVKE
za zaključenje ugovora za "Izvedbu nadogradnje odlagališne kasete
na Regionalnoj deponiji "Moščanica" Zenica"

Član 1.

Poništava se postupak javne nabavke za zaključenje Ugovora za izvedbu nadogradnje odlagališne kasete na Regionalnoj deponiji "Moščanica", koji je pokrenut Odlukom o pokretanju postupka javne nabavke, broj: 02-15/17 od 16.01.2017.godine i objavljivanjem Obavještenja o nabavci na portalu javnih nabavki www.ejn.gov.ba dana 16.01.2017.godine.

Član 2.

Stavlja se van snage Odluka o izboru najpovoljnijeg ponuđača za izvedbu nadogradnje odlagališne kasete na Regionalnoj deponiji "Moščanica", broj: 02-120/17 od 15.03.2017.godine.

Član 3.

Poništavanje postupka javne nabavke i objavljivanje Obavještenja o poništenju postupka nabavke provest će se u skladu sa odredbama Zakona o javnim nabavkama.

Član 4.

Ova Odluka stupa na snagu danom donošenja i ista će se dostaviti svim ponuđačima.

O B R A Z L O Ź E N J E

Na osnovu donesene Odluke o pokretanju postupka javne nabavke, broj: 02-15/17 od 16.01.2017.godine objavljivanjem Obavještenja o nabavci na portalu javnih nabavki www.ejn.gov.ba dana 16.01.2017.godine, Ugovorni organ je proveo otvoreni postupak prikupljanja, analize i ocjene ponuda za zaključenje Ugovora za izvedbu nadogradnje odlagališne kasete na Regionalnoj deponiji "Moščanica".

Nakon isteka roka za dostavljanje ponuda, Komisija za nabavke Ugovornog organa je konstatovala da su u predviđenom roku (03.03.2017. do 10:30 sati) na adresu Ugovornog organa dostavljene tri uredno zapakovane ponude u skladu sa zahtjevima iz Tenderske dokumentacije i to od sljedećih ponuđača:

1. Konzorcij "Almy-Transport" d.o.o. Zenica i "G.T. Trade" d.o.o. Split,
2. Konzorcij "TKM" d.o.o. Zenica i "Dume-Trade" d.o.o. Portorož, i
3. "IN" d.o.o. Sarajevo.

Dana 03.03.2017.godine sa početkom u 11:00 sati u sjedištu Ugovornog organa u prisustvu ovlaštenih predstavnika navedenih ponuđača, Komisija za nabavke je pristupila otvaranju pristiglih ponuda i saopštavanju relevantnih podataka prisutnima. Nakon završene procedure javnog otvaranja ponuda, Komisija za nabavke Ugovornog organa je samostalno pristupila analizi dokumentacije priložene u ponudama u smislu provjere njihove validnosti obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama, odnosno pripadajućim podzakonskim aktima.

Na osnovu pregleda dokumentacije priložene u ponude, Komisija Ugovornog organa je utvrdila da sve ponude dostavljene u natječaju ispunjavaju formalno – pravne uslove i da su prihvatljive i da mogu biti predmet vrednovanja shodno utvrđenim kriterijima u Obavještenju o nabavci odnosno Tenderskoj dokumentaciji. Shodno tome, Ugovorni organ je dana, 15.03.2017.godine donio Odluku o izboru najpovoljnijeg ponuđača, broj: 02-120/17, kojom je ugovor dodijeljen grupi ponuđača konzorcij "TKM" d.o.o. Zenica i "Dume – Trade" d.o.o. Portorož.

Nezadovoljan takvom odlukom, jedan od ponuđača je dana 22.03.2017.godine izvršio uvid u ponude dostavljene u natječaju, a 24.03.2017.godine izjavio žalbu na navedenu Odluku. Komisija za javnu nabavku je nakon razmatranja žalbenih navoda konstatovala da je žalba dopuštena, blagovremena, izjavljena od ovlaštene osobe žalioaca i da je djelimično osnovana. Shodno iskazanim žalbenim navodima i odgovorima na iste, Ugovorni organ je odlučio da stavi van snage svoju Odluku, broj: 02-120/17 od 15.03.2017.godine i poništi postupak nabavke iz sljedećih razloga:

U tački 15. Tenderske dokumentacije pod naslovom "Način pripreme ponude" Ugovorni organ je propisao sljedeće: *U slučaju da ponude dostavljaju grupe ponuđača, uz ponudu se mora dostaviti i punomoć kojom se navedena lica ovlašćuju da predstavljaju grupu ponuđača u toku postupka nabavke (punomoć može također sadržavati i ovlaštenje za potpisivanje ugovora).*

Uvidom u Konzorcijalni ugovor sklopljen između članova grupe ponuđača "TKM" d.o.o. Zenica i "Dume-trade" d.o.o. Portorož nesporno je da je Ugovor sklopljen radi zajedničkog nastupa na podnošenju ponude i zajedničkog izvođenja predmetnih radova, da je za voditelja konzorcija određen "TKM" d.o.o. Zenica koji može zastupati interes Konzorcija prema van, posebno prema Naručiocu. Međutim, uvidom u dokumentaciju koju je uz ponudu dostavila ova grupa ponuđača ustanovljeno je da nedostaje punomoć koja je tražena u naprijed navedenoj odredbi Tenderske dokumentacije.

Također, u članu 3. Konzorcijalnog ugovora ugovorne strane su ugovorile da *"Voditelj konzorcija spaja pojedinačne ponude u cjelinu i Naručiocu dostavlja cjelovitu ponudu potpisanu od svih članova konzorcija"*. Uvidom u ponudu ove grupe ponuđača nesporno je da ponuda nije potpisana od strane oba člana Grupe tj. nije potpisana i od člana "Dume-trade" d.o.o. Portorož.

Dalje, uvidom u ponudu ove grupe ponuđača ustanovljeno je da Garancija za ozbiljnost ponude br. 33062622/17/AV koja je izdata od Raiffeisen Bank d.d. na ime lidera Konzorcija "TKM" d.o.o. Zenica je u potpunosti ispravna sa svojim sadržajem, da je upakovana i dostavljena u ponudi kako je to zahtijevano u Tenderskoj dokumentaciji, ali da ista nije numerisana. Naime, u tački 32. Tenderske dokumentacije propisano je sljedeće: *"Plastična folija u kojoj je originalna bankarska garancija mora biti označena rednim brojem stranice ili lista, kao i ostale stranice ili listovi ponude i kao takva čini sastavni dio ponude"*. Zatim u istoj tački je navedeno: *"Ukoliko garancija za ponudu nije dostavljena na propisan način Ugovorni organ je obavezan takvu ponudu odbaciti"*.

Prilikom numerisanja stranica ponude napravljen je propust, tako što su sve stranice do stranice broj 52. numerisane, zatim umetnuta je bankarska garancija u plastičnoj foliji bez ikakvog numerisanja stranice, i onda je nastavljena numeracija stranice ponude 53. i dalje.

Kod ponude ponuđača "IN" d.o.o. Sarajevo utvrđeno je da u ponudi nije dostavljen certifikat kao dokaz o kvalifikovanosti zavarivača odnosno njegove obučenosti za zavarivanje na geomembrani. Naime, u tački 13. Tenderske dokumentacije, Ugovorni organ je zahtijevao da ponuđači imaju kvalifikovano tehničko osoblje. Konkretno za zavarivača na geomembrani zahtijevano je da: *"Osoba koja će izvoditi poslove zavarivanja na geomembrani mora imati certifikat o obučenosti za ovu vrstu zavarivanja. Ponuđač mora dostaviti certifikat, kojim se dokazuje kvalifikovanost zavarivača"*. Uvidom u Uvjerenje koje je izdalo preduzeće "Proving" d.o.o. Sarajevo, a koje je ponuđač "IN" d.o.o. Sarajevo dostavio u svojoj ponudi kao dokaz kvalifikovanosti svoga zavarivača, konstatovano je da je Uvjerenje izdato na osnovu Zakona o zaštiti na radu Sl list SR BIH br. 22/90, te člana 130. Pravilnika o mjerama i normativima zaštite na radu na oruđima za rad (Službeni list SFRJ br. 18/91). Dalje, u Uvjerenju je navedeno da Društvo "Proving" d.o.o. Sarajevo je obavilo obučavanje i ispitivanje zaposlenika za siguran rad – rukovalac mašinama za zavarivanje PEHD folije i PEHD cijevi. Iz memoranduma na Uvjerenju navedene Firme se vidi da je ista registrovana za protivpožarni inženjering i poslove zaštite na radu. Prema tome, navedenim Uvjerenjem nije dokazana kvalifikovanost zavarivača geomembrane kako je to traženo Tenderskim dokumentom.

Na osnovu naprijed navedenih činjenica Ugovorni organ je zaključio da ponude grupe ponuđača "TKM" d.o.o. Zenica i "Dume-trade" d.o.o. Portorož, kao i ponuda ponuđača "IN" d.o.o. Sarajevo ne ispunjavaju sve zahtjeve iz Tenderske dokumentacije i da iste nisu prihvatljive.

Ponuda grupe ponuđača "Almy-transport" d.o.o. Zenica i "GT Trade" d.o.o. Split ispunjava zahtjeve propisane Tenderskom dokumentacijom, ali ponuđena cijena od 516.744,50 KM bez PDV-a je znatno iznad procijenjene vrijednosti nabavke od 430.000 KM bez PDV-a odnosno sredstava obezbjeđenih za ovu nabavku.

Stoga je Ugovorni organ na osnovu člana 69. stav (2), tačka e) Zakona o javnim nabavkama donio ovu Odluku kao u dispozitivu.

S poštovanjem.



Direktor Društva

Zukić Emir, dipl.ing.maš.

Dostavljeno:
1 x Ponuđači
1 x a/a